

全立鬪書人兄弟顏順顏淵懷周等竊聞忍氣同居傳張公之九世感荆復睦羨田氏之三人順等兄弟雖屬愚昧豈不欲效古人之休風第木一本也而未分枝水同源也而流別派與其合金同餐致疎手足之氣何如分居各食以娛白髮之年順等兄弟是以和氣忝商爰請房親族長到家酌議將先父遺置田園厝宅家器雜物配作叁份均分禱神拈鬪爲定俱係至公無私各無異言反悔自此以後宜各安其分各守其業式相好毋相尤庶幾俾爾昌而熾俾爾壽而富繼繼繩繩勿替引之方不失先人之遺意云爾但口恐無憑合全立鬪書叁紙壹樣每房各執壹紙以爲後日子孫付執存炤

謹將每房應份條段開列于左

一批明前者先父有全五六叔合典過胡家田壹段共受種壹甲捌分先父應得陸分五叔應得叁分六叔應得玖分嗣後順等兄弟又抽出叁分轉典五叔尙存叁分配作三份均分每房各得壹分又同堂忝議現在將此三份之田踏出陸年付與叁房懷周收稅以爲婚娶之資至陸年收完方許三房均分照份管業合應批明存炤

一批明至戊年值公源當舖出稅銀拾大員交與長孫振料收去生放以爲長成娶婦之資各無異言反悔批明存炤

一批明本宅壹所將東西割作三份均分長房顏順應得中央壹份栢榔柒稜併荖葉竹木菓子在內東至中巷西至四叔宅南至次房份憑中央樹子爲界又次房顏淵應得本宅南畔壹份栢榔伍稜併荖葉竹木菓子在內東至□□西至四叔南至五叔宅北至長房份亦憑中央樹子爲界又叁房懷周應得本宅北畔壹份栢榔陸稜併荖葉竹木菓子在內東至中巷西至四叔宅南至長房份亦憑溝中樹子爲北至李家宅又次房顏淵尙有踏出荊竹三都在叁房北畔份內聽次房砍伐應用叁房不得除毀批明存炤

一批明北畔伍間併伸手共瓦厝式間係是長房應份又南畔伸手併北畔大房共瓦厝式間係是次房應份又南畔大房併伍間共瓦厝式間係是叁房應份又批明此舊厝若是毀壞要移居他處其地自當歸還應份之人批明存炤

一批明磚井壹口在叁房份內每房通用灌溉又三房中共抽出公路壹條每房通行不得阻當批明存炤

一批明本宅契券交在長房收執日後不得私自典借合應批明存炤

公親族長胞伯 君草（忠）

叔 君仕（忠）

全立鬪書人 顏淵（存心）

顏順（中）

懷周（花押）

代書人 吳永清（書）

咸豐貳年肆月 日